

საპრედიტო პრობების კვლევა

III კვარტალი, 2024



საქართველოს ეროვნული ბანკი
National Bank of Georgia

საკრედიტო პირობების კვლევის მიზანი და მეთოდოლოგია

საქართველოს ეროვნული ბანკი 2013 წლიდან ატარებს საკრედიტო პირობების კვლევას. გამოკითხვა ონლაინ პლატფორმის საშუალებით ტარდება, ხოლო რესპოდენტებს საბანკო სექტორის მაღალი რგოლის მენეჯერები წარმოადგენენ. კვლევის მიზანს რესპოდენტებისაგან დაკრედიტების მიმდინარე და სამომავლო ტენდენციებზე ინფორმაციის მიღება წარმოადგენს. კერძოდ, კვლევა მოიცავს კითხვებს ფიზიკური და იურიდიული პირების სესხებზე მოთხოვნისა და დაკრედიტების საპროცენტო და არასაპროცენტო პირობების ცვლილებაზე, ასევე კითხვებს ამ ცვლილების გამომწვევი ფაქტორების შესახებ.

კითხვარი შედგება მხოლოდ ხარისხობრივი შეკითხვებისაგან და არ მოითხოვს რესპოდენტთა მხრიდან რაოდენობრივ შეფასებას. ინფორმაციის რაოდენობრივ ერთეულებში გარდაქმნისათვის გამოყენებულია საბალანსო სტატისტიკის მეთოდოლოგია. ინდექსი მერყეობს -100-დან 100-მდე. 100 აღნიშნავს, რომ გამოკითხულთა 100% აღიქვამს ტენდენციის მნიშვნელოვან გაუმჯობესებას. ინდექსი -100 აღნიშნავს, რომ რესპოდენტთა 100% მნიშვნელოვან გაუარესებას აღიქვამს. 0 აღნიშნავს, რომ ტენდენცია არ შეცვლილა გასულ კვარტალთან შედარებით. ინდექსის დათვლისას რესპოდენტთა პასუხებს თანაბარი წონა აქვთ მინიჭებული, განურჩევლად ბანკის ზომისა.

გამოკითხვის შედეგების ანალიზის საფუძველზე ყოველ კვარტალურად ქვეყნდება ანგარიში. გარდა კვლევის საბოლოო შედეგებისა, აღნიშნული ანგარიში მოიცავს ოფიციალურ სტატისტიკურ ინფორმაციას დაკრედიტების ტენდენციების შესახებ.

ამ ანგარიშში წარმოდგენილი მოლოდინები ასახავს მხოლოდ საკრედიტო პირობების კვლევის რესპოდენტთა შეფასებას დაკრედიტების მომავალ ტენდენციაზე და არა ეროვნული ბანკის წარმომადგენელთა მოლოდინებს.

საკრედიტო პირობების კვლევა

მოკლე შეჯამება	4
ბიზნესის დაკრედიტების პირობები და ტენდენციები.....	5
ფიზიკური პირების დაკრედიტების პირობები და ტენდენციები	9
დიაგრამა 1. ბიზნეს სესხების მოთხოვნისა და საკრედიტო პირობების ცვლილება.....	5
დიაგრამა 2. ბიზნეს სესხების საკრედიტო პირობების ცვლილებაზე მოქმედი ფაქტორები.....	6
დიაგრამა 3. საპროცენტო განაკვეთები და საკონტრაქტო ვადიანობა ბიზნეს სესხებზე.....	7
დიაგრამა 4. ბიზნეს სესხებში უმოქმედო და უარყოფილი სასესხო განაცხადების წილი	8
დიაგრამა 5. ფიზიკური პირების სესხებზე მოთხოვნისა და საკრედიტო პირობების ცვლილება	9
დიაგრამა 6. ფიზიკურ პირებზე გაცემული სესხების დაკრედიტების პირობების ცვლილებაზე მოქმედი ფაქტორები	10
დიაგრამა 7. სესხის მომსახურებისა (PTI) და უზრუნველყოფის (LTV) კოეფიციენტების განაწილება.....	10
დიაგრამა 8. ფიზიკურ პირებზე გაცემულის სესხების საპროცენტო განაკვეთები და საკონტრაქტო ვადიანობა	11
დიაგრამა 9. უმოქმედო და უარყოფილი სასესხო განაცხადების წილი ფიზიკურ პირებზე გაცემულ სესხებში	12

მოკლე შეჯამება


საკრედიტო პირობების კვლევის მიხედვით, 2024 წლის მესამე კვარტალში, წინა კვარტალთან შედარებით, ბიზნეს სესხებზე მოთხოვნა უმნიშვნელოდ შემცირდა. საბანკო სექტორის წარმომადგენლები მომდევნო კვარტალში ბიზნეს სესხებზე მოთხოვნის მცირედ ზრდას მოელიან. ამავე კვლევის მიხედვით, მესამე კვარტალში, წინა კვარტალთან შედარებით, დაკრედიტების პირობები ბიზნეს სესხებისთვის უმნიშვნელოდ გამკაცრდა. საბანკო სექტორის წარმომადგენლები მომდევნო კვარტალში საკრედიტო პირობების მცირედით გამკაცრებას ელიან. გარდა ამისა, რესპოდენტების აზრით, მომდევნო კვარტალში საპროცენტო განაკვეთები ბიზნეს სესხებზე შესაძლოა მცირედით გაიზარდოს.

საკრედიტო პირობების კვლევის მიხედვით, 2024 წლის მესამე კვარტალში, წინა კვარტალთან შედარებით, ფიზიკურ პირებზე გაცემულ სესხებზე მოთხოვნა უმნიშვნელოდ გაიზარდა და, რესპოდენტების აზრით, მომდევნო კვარტალში ფიზიკურ პირებზე გაცემულ სესხებზე მოთხოვნის მცირედით ზრდა კვლავ მოსალოდნელია. კვლევის მიხედვით, ფიზიკურ პირებზე გაცემული სესხებისთვის დაკრედიტების პირობები არ შეცვლილა. რესპოდენტები მომდევნო კვარტალში დაკრედიტების პირობების ცვლილებას არ მოელიან. საბანკო სექტორის წარმომადგენელთა აზრით, მომდევნო კვარტალში იპოთეკური სესხების საპროცენტო განაკვეთების მცირედით ზრდაა მოსალოდნელი ეროვნულ ვალუტაში.

ბიზნესის დაკრედიტების პირობები და ტენდენციები

საკრედიტო პირობების კვლევის მიხედვით, 2024 წლის მესამე კვარტალში, წინა კვარტალთან შედარებით, ბიზნეს სესხებზე მოთხოვნა უმნიშვნელოდ შემცირდა. საბანკო სექტორის წარმომადგენლები 2024 წლის მეოთხე კვარტალში ბიზნეს სესხებზე მოთხოვნის მცირედ ზრდას მოელიან. ეროვნული ბანკის ხელთ არსებულ მონაცემებზე დაყრდნობით, 2024 წლის მესამე კვარტალში, წინა კვარტალთან შედარებით, ბიზნეს სესხების პორტფელის ზრდამ 18.4%¹ შეადგინა. ბიზნეს სესხების ზრდამი უცხოური და ადგილობრივი ვალუტით გაცემულ სესხებს დაახლოებით თანაბარი წვლილი შექონდათ. მნიშვნელოვანია აღინიშნოს, რომ ბიზნეს სესხების ზრდა სექტორულ ჭრილში ძირითადად ვაჭრობისა და მშენებლობის სექტორების დაკრედიტებამ განაპირობა. საკრედიტო პირობების კვლევის მიხედვით, 2024 წლის მეოთხე კვარტალში საბანკო სექტორის წარმომადგენლები ბიზნეს სესხებზე მოთხოვნის მცირედ ზრდას მოელიან (იხ. დიაგრამა.1).

დიაგრამა 1. ბიზნეს სესხების მოთხოვნისა და საკრედიტო პირობების ცვლილება²



წყარო: საკრედიტო პირობების კვლევა, სებ.

2024 წლის მესამე კვარტალში, წინა კვარტალთან შედარებით, დაკრედიტების პირობები ბიზნეს სესხებისთვის უმნიშვნელოდ გამკაცრდა. რესპოდენტები დაკრედიტების პირობების მცირედიტო გამკაცრებას ძირითადად ეკონომიკური ტენდენციების ცვლილებას, რისკისადმი მიდრეკილების შერბილებასა და ფინანსური რესურსის ხარჯის ზრდას უკავშირებენ (იხ. დიაგრამა 2). ეროვნული


¹ აღნიშნული მონაცემი ასახავს გაცვლითი კურსის ეფექტის გამორიცხვით, სეზონურად შესწორებული სესხების გაწლიურებულ ზრდას.

² საკრედიტო პირობებისა და მოთხოვნის ცვლილების ინდექსი მერყეობს -100-დან 100-მდე. 100 აღნიშნავს, რომ რესპოდენტების 100% აღიქვამს ტენდენციის მნიშვნელოვან გამკაცრებას/ზრდას; -100 აღნიშნავს მნიშვნელოვან შერბილებას/შემცირებას; 0 აღნიშნავს, რომ ტენდენცია არ შეცვლილა გასულ კვარტალთან შედარებით. 2024Q4* ასახავს საბანკო სექტორის წარმომადგენლების მოლოდინებს 2024 წლის მეოთხე კვარტალზე.

ბანკის ხელთ არსებულ მონაცემებზე დაყრდნობით, ეროვნულ ვალუტასა და დოლარში გაცემული სესხებისათვის ვადიანობა მცირედით გაიზარდა, ხოლო, ევროში გაცემული სესხების შემთხვევაში, აღნიშნული არ შეცვლილა (იხ. დიაგრამა 3). საბანკო სექტორის წარმომადგენლები მომდევნო კვარტალში საკრედიტო პირობების მცირედით გამკაცრებას ელიან.

ეროვნული ბანკის ხელთ არსებულ მონაცემებზე დაყრდნობით, სექტემბერში, ივნისთან შედარებით, საპროცენტო განაკვეთი თვის შიგნით ეროვნული ვალუტით გაცემულ მსხვილ ბიზნეს სესხებზე 0.5 პპ-ით 11.1%-მდე შემცირდა. სექტემბერში, ივნისთან შედარებით, თვის შიგნით ევროთი გაცემული მსხვილი ბიზნეს სესხებისთვის საპროცენტო განაკვეთი არ შეცვლილა და 8.9%-შეადგენს, ხოლო დოლარით გაცემული სესხებისათვის აღნიშნული 0.3 პპ-ით გაიზარდა 9.8%-მდე. მცირე და საშუალო ბიზნეს სესხებისთვის, სექტემბერში, ივნისთან შედარებით, საპროცენტო განაკვეთი ეროვნული ვალუტით გაცემული სესხებისთვის 0.3 პპ-ით 12.8%-მდე გაიზარდა. რაც შეეხება უცხოური ვალუტით გაცემულ სესხებს, ევროთი გაცემული სესხებისთვის საპროცენტო განაკვეთი 0.2 პპ-ით გაიზარდა და 7.5% შეადგინა, ხოლო დოლარით გაცემული სესხებისთვის საპროცენტო განაკვეთი, 0.2 პპ-ით 9.0%-მდე გაიზარდა (იხ. დიაგრამა 3). რესპოდენტთა პასუხებზე დაყრდნობით, უმნიშვნელოდ გაიზარდა განაკვეთი ფიქსირებული განაკვეთით გაცემულ ლარისა და უცხოური ვალუტის სესხებზე. გამოკითხულთა აზრით, მომდევნო კვარტალში საპროცენტო განაკვეთები ბიზნეს სესხებზე შესაძლოა მცირედით გაიზარდოს.


დიაგრამა 2. ბიზნეს სესხების საკრედიტო პირობების ცვლილებაზე მოქმედი ფაქტორები ³



წყარო: საკრედიტო პირობების კვლევა

³ დიაგრამა საკრედიტო პირობების ცვლილებაში თითოეული ფაქტორის წილს ასახავს. დადებითი წილი მიუთითებს ფაქტორის წილს გამკაცრებაში, ხოლო უარყოფითი შერბილებაში.

დიაგრამა 3. საპროცენტო განაკვეთები და საკონტრაქტო ვადიანობა ბიზნეს სესხებზე⁴



წყარო: სგბ.


2024 წლის მესამე კვარტალში, წინა კვარტალთან შედარებით, უმოქმედო სესხების წილი ბიზნეს სესხებში უმნიშვნელოდ შემცირდა.⁵ მესამე კვარტალში, წინა კვარტალთან შედარებით, უმოქმედო სესხების წილი ჯამურად ბიზნეს სესხებში უმნიშვნელოდ, 2.77%-მდე, შემცირდა. ვალუტების ჭრილში, უმოქმედო სესხების წილი ეროვნული ვალუტით გაცემულ ბიზნეს სესხებში არ შეცვლილა. ხოლო, აშშ დოლარით გაცემულ ბიზნეს სესხებში უმოქმედო სესხების წილი 0.2 პპ-ით შემცირდა და 2.7% შეადგინა. რაც შეეხება ევროში გაცემულ სესხებს, უმოქმედო სესხების წილი ამ შემთხვევაში 0.2 პპ-ით გაიზარდა და 3.1% შეადგინა (იხ. დიაგრამა 4). საკრედიტო პირობების კვლევის მიხედვით, საბანკო სექტორის წარმომადგენლები მომდევნო კვარტალში ბიზნეს სესხებში უმოქმედო სესხების წილის მცირედით შემცირებას მოელოან.

2024 წლის მესამე კვარტალში, წინა კვარტალთან შედარებით, უარყოფილი სასესხო განაცხადების წილი მსხვილ ბიზნეს სესხებში შემცირდა, ხოლო მცირე და საშუალო ბიზნეს სესხებში გაიზარდა. მესამე კვარტალში, წინა კვარტალთან შედარებით, უარყოფილი სასესხო განაცხადების წილი ეროვნული ვალუტით გაცემულ მცირე და საშუალო ბიზნეს სესხებში, 2 პპ-ით 23%-მდე გაიზარდა, ხოლო უცხოური ვალუტით გაცემული სესხებისთვის აღნიშნული მაჩვენებელი 4.4 პპ-ით 13.8%-მდე გაიზარდა. რაც შეეხება მსხვილ ბიზნეს სესხებს, მესამე კვარტალში, წინა კვარტალთან შედარებით, უარყოფილი სასესხო განაცხადების წილი ლარში 0.1 პპ-ით შემცირდა, 1.25%-მდე, ხოლო უცხოურ ვალუტაში აღნიშნული 0.2 პპ-ით, 0.4%-მდე შემცირდა (იხ. დიაგრამა 4).

⁴ საპროცენტო განაკვეთი თვის შიგნით გაცემულ მცირე და საშუალო და მსხვილი ბიზნეს სესხების ნაკადებზე.

⁵ უნდა ითქვას, რომ 2023 წლის ივნისიდან, მესამე კვარტალის ანგარიშში, სესხების ხარისხის მაჩვენებლები მოცემულ და შემდეგ ნაწილში დათვლილია IFRS-9-ის მიდგომის შესაბამისად.

დიაგრამა 4. ბიზნეს სესხებში უმოქმედო და უარყოფილი სასესხო განაცხადების წილი




წყარო: სეზ.

⁶ უმოქმედო სესხების მაჩვენებლები 2023 წლის ივნისამდე ეროვნული ბანკის მეთოდოლოგიით არის დათვლილი. ხოლო ივნისიდან მოყოლებული აღნიშნული IFRS 9-ის მეთოდოლოგიას ეფუძნება.

ფიზიკური პირების დაკრედიტების პრობები და ტენდენციები

საკრედიტო პრობების კვლევის მიხედვით, 2024 წლის მესამე კვარტალში, წინა კვარტალთან შედარებით, ფიზიკურ პირებზე გაცემულ სესხებზე მოთხოვნა უმნიშვნელოდ გაიზარდა. რესპოდენტების აზრით, მომდევნო კვარტალში ფიზიკურ პირებზე გაცემულ სესხებზე მოთხოვნის მცირედი ზრდა კვლავ მოსალოდნელია. ეროვნული ბანკის ხელთ არსებულ მონაცემებზე დაყრდნობით, მესამე კვარტალში, წინა კვარტალთან შედარებით, ფიზიკურ პირებზე გაცემული სესხების გაწლიურებულმა ზრდის ტემპმა⁷ 17.0% შეადგინა (იხ. დიაგრამა 5). ვალუტების ჭრილში ფიზიკურ პირებზე გაცემული სესხების ზრდა მნიშვნელოვანწილად კვლავ ეროვნული ვალუტით გაცემულმა სესხებმა განაპირობა. საბანკო სექტორის წარმომადგენლები მომდევნო კვარტალში ფიზიკურ პირებზე გაცემულ სესხებზე მოთხოვნის მცირედ ზრდას მოელიან.

დიაგრამა 5. ფიზიკური პირების სესხებზე მოთხოვნისა და საკრედიტო პრობების ცვლილება⁸



წყარო: საკრედიტო პრობების კვლევა, სეპ.


2024 წლის მესამე კვარტალში ფიზიკურ პირებზე გაცემული სესხებისთვის დაკრედიტების პრობები არ შეცვლილა. რესპოდენტების პასუხების მიხედვით, დაკრედიტების პრობების შერბილებას საკრედიტო პორტფელის ხარისხის გაუმჯობესება და კონკურენციის ზრდა განაპირობებდა. ხოლო, დაკრედიტების პრობების გამკაცრებას რესპოდენტები ფინანსური რესურსის ხარჯის ზრდასა და ეკონომიკურ ტენდენციებს უკავშირებენ. ეროვნული ბანკის ხელთ არსებულ მონაცემებზე დაყრდნობით, 2024 წლის მესამე კვარტალში, წინა კვარტალთან შედარებით, სესხის ვადიანობა იპოთეკური სესხებისთვის მცირედით შემცირდა. უნდა აღინიშნოს, ისიც რომ სესხის უზრუნველყოფის (LTV) კოეფიციენტის განაწილების შემთხვევაში წინა კვარტალთან შედარებით, გაიზარდა იმ სესხების წილი რომელთა LTV 50%-ზე მეტია. სესხის

⁷ აღნიშნული მონაცემი ასახავს გაცვლითი კურსის ეფექტის გამორიცხვით, სეზონურად შესწორებული სესხების გაწლიურებულ ზრდას.

⁸ იხ. დიაგრამა 1-ის მეორე შენიშვნა.


მომსახურების კოეფიციენტის (PTI) შემთხვევაში, შემცირდა იმ სესხების წილი, რომელთა PTI 40%-ზე მეტია. მთლიანობაში, შეგვიძლია ვთქვათ, რომ, საშუალოდ, დაკრედიტების პირობები არ შეცვლილა (იხ. დიაგრამა 6-8). რესპოდენტები მომდევნო კვარტალში დაკრედიტების პირობების ცვლილებას არ მოელიან.

დიაგრამა 6. ფიზიკურ პირებზე გაცემული სესხების დაკრედიტების პირობების ცვლილებაზე მოქმედი ფაქტორები⁹



წყარო: საკრედიტო პირობების კვლევა

დიაგრამა 7. სესხის მომსახურების (PTI) და უზრუნველყოფის (LTV) კოეფიციენტების განაწილება




წყარო: სგბ.

⁹ იხ. დიაგრამა 2-ის შენიშვნა.

საპროცენტო განაკვეთები ფიზიკურ პირებზე გაცემული სესხებისთვის ლარში მნიშვნელოვნად არ შეცვლილა, ხოლო უცხოურ ვალუტაში მცირედით გაიზარდა. კერძოდ, სექტემბერში ეროვნული ვალუტით გაცემული სამომხმარებლო სესხებისთვის საპროცენტო განაკვეთი 16.9%-ის ფარგლებშია. ლარში გაცემული იპოთეკური სესხებისთვის საპროცენტო განაკვეთი 11.8%-მდე გაიზარდა. რაც შეეხება უცხოური ვალუტის სესხებს, საპროცენტო განაკვეთი აშშ დოლარით გაცემული იპოთეკური სესხებისთვის 0.8 პპ-ით გაიზარდა და 8.5% შეადგენს, ხოლო ევროთი გაცემული სესხებისთვის აღნიშნული 0.5 პპ-ით გაიზარდა და 7.1%-ის ფარგლებშია (იხ. დიაგრამა 8). გამოკითხულთა აზრით, მომდევნო კვარტალში იპოთეკური სესხების საპროცენტო განაკვეთების მცირედით ზრდაა მოსალოდნელი ეროვნულ ვალუტაში.

დიაგრამა 8. ფიზიკურ პირებზე გაცემული სესხების საპროცენტო განაკვეთი და საკონტრაქტო ვადიანობა¹⁰



წყარო: სგბ.


2024 წლის მესამე კვარტალში, წინა კვარტალთან შედარებით, უმოქმედო სესხების წილი¹¹ ფიზიკურ პირებზე გაცემულ სესხებში უმნიშვნელოდ შემცირდა. კერძოდ, ეროვნული ბანკის ხელთ არსებულ მონაცემებზე დაყრდნობით, უმოქმედო სესხების წილი იპოთეკურ და სამომხმარებლო სესხებში მცირედით შემცირდა და 1.7% და 2.3% შეადგენს, შესაბამისად ვალუტების ჭრილში, ევროთი გაცემულ იპოთეკურ სესხებში უმოქმედო სესხების წილი შემცირდა 2.2%-მდე, ხოლო დოლარში გაიზარდა 1.9%-მდე. რაც შეეხება ეროვნული ვალუტით გაცემულ იპოთეკურ სესხებს, უმოქმედო სესხების წილი შემცირდა 1.6%-მდე (იხ. დიაგრამა 9). საბანკო სექტორის წარმომადგენლები 2024 წლის მეოთხე კვარტალში სამომხმარებლო სესხებში უმოქმედო სესხების წილის მცირედით შემცირებას კვლავ მოელიან.

¹⁰ საპროცენტო განაკვეთი ფიზიკურ პირებზე თვის შიგნით გაცემულ სესხების ნაკადებზე.

¹¹ უმოქმედო სესხების მაჩვენებლები 2023 წლის ივნისამდე ეროვნული ბანკის მეთოდოლოგიით არის დათვლილი. ხოლო ივნისიდან მოყოლებული აღნიშნული IFRS 9-ის მეთოდოლოგიას ეფუძნება.

2024 წლის მესამე კვარტალში უარყოფილი სასესხო განაცხადების წილი მცირედით გაიზარდა. მესამე კვარტალში, წინა კვარტალთან შედარებით, უარყოფილი სასესხო განაცხადების წილი ეროვნული ვალუტის სამომხმარებლო სესხებში 47%-მდე გაიზარდა. გარდა ამისა, იპოთეკურ სესხებში, უარყოფილი სასესხო განაცხადების წილი, ეროვნული ვალუტით 27%-მდე შემცირდა, ხოლო უცხოური ვალუტით, 28%-მდე გაიზარდა (იხ. დიაგრამა 9).

დიაგრამა 9. უმოქმედო და უარყოფილი სასესხო განაცხადების წილი ფიზიკურ პირებზე გაცემულ სესხებში



წყარო: სებ

პასუხისმგებლობის შეზღუდვის განაცხადი

ანგარიში მომზადდა საქართველოს ეროვნული ბანკის ფინანსური სტაბილურობის დეპარტამენტის ფინანსური სტაბილურობის ანალიზისა და მაკროფინანსური მოდელირების განყოფილების მიერ. ამ ანგარიშში წარმოდგენილი მოლოდინები ასახავს მხოლოდ საკრედიტო პირობების კვლევის რესპოდენტთა შეფასებას დაკრედიტების მომავალ ტენდენციაზე და არა ეროვნული ბანკის წარმომადგენელთა მოლოდინებს. ანგარიშში წარმოდგენილი სტატისტიკა დაკრედიტების მიმდინარე ტენდენციაზე განკუთვნილია მხოლოდ მიმდინარე ანალიტიკური მიზნებისთვის, რადგანაც აქ წარმოდგენილი ზოგიერთი მონაცემი შესაძლოა დაექვემდებაროს პერიოდულ გადახედვას და შესაბამისად, ისინი შეიძლება შეიცავდეს გაზომვის ცდომილებებს. მიუხედავად იმისა, რომ ყველა ზომა მიღებული მონაცემთა დროულად, კორექტულად და სრულყოფილად წარმოსადგენად, საქართველოს ეროვნული ბანკი არ იძლევა გარანტიას მონაცემთა სრულ სიზუსტეზე. მიმოხილვაში გამოქვეყნებული ზოგიერთი მონაცემი შესაძლოა განსხვავდებოდეს ეროვნული ბანკის ვებ-გვერდზე "სტატისტიკის" რუბრიკაში გამოქვეყნებული მონაცემებისგან, რადგანაც გაანგარიშებებში გამოყენებულია საზედამხედველო მონაცემები.

მონაცემები წარმოდგენილია 30/09/2024-ის მდგომარეობით.

დამატებითი კითხვებით შეგიძლიათ მიმართოთ ბექა გურგენიძეს

ელ-ფოსტა: Beka.gurgenidze@nbg.gov.ge ტელ: (+995) 555 173618



საქართველოს ეროვნული ბანკი
National Bank of Georgia

საქართველო, თბილისი 0114, სანაპიროს 2

(995 32) 2 406 406

info@nbg.ge; www.NBG.ge